



lcetb
Bord Oideachais agus Oiliúna
Luimnigh agus an Chláir
*Limerick and Clare
Education and Training Board*

Bord Oideachais agus Oiliúna Luimnigh agus an Chláir

Tuarascáil Bhliantúil 2015



Leathanach an Teidil	1
Clár na nÁbhar	2
Réamhrá an Phríomhfheidhmeannaigh	3
Bord Oideachais agus Oiliúna Luimnigh agus an Chláir	4
➤ Feidhm	
➤ Eitic	
➤ Coistí na mBord Oideachais agus Oiliúna	
➤ Cruinnithe An Bhoird	
➤ Dualgas Dearfach	
➤ Cód Cleachtais um Rialachas Bord Oideachais agus Oiliúna	
➤ Sonraí Ballraíochta	
i. Ballraíocht agus Dátaí Cruinnithe BOOLC	
ii. Ballraíocht agus Dátaí Cruinnithe Choiste Iniúcháireachta BOOLC	
iii. Ballraíocht agus Dátaí Cruinnithe Choiste Airgeadais BOOLC	
iv. Speansais Chomhaltaí an Bhoird agus na Cruinnithe ar Fhrestail Siad Orthu	
Seirbhísí Eagrúcháin	8
➤ <i>Cairt Eagrúcháin</i>	
➤ Gnóthaí Corparáideacha	
➤ Airgeadas	
➤ Acmhainní Daonna	
➤ Teicneolaíocht Faisnéise agus Cumarsáide	
➤ Caipiteal agus Soláthar	
➤ Achoimre ar Sheirbhísí Eagrúcháin 2015	
Achoimre Airgeadais	11
➤ Straitéis Airgeadais	
➤ Cuntasacht Reachtúil	
➤ Foinsí Maoinithe	
➤ Achoimre Airgeadais don bhliain dar críoch an 31 Nollaig 2015	
Scoileanna	13
Breisoideachas agus Oiliúint	15
Comhoibriú le hInstitiúidí Eile	16
Comhpháirtíocht	17
Seirbhísí Óige	18
Aguisín 1 Bord Oideachais agus Oiliúna Luimnigh agus an Chláir: Cláir agus Seirbhísí	20

Réamhrá an Phríomhfheidhmeannaigh

Cúis áthais dom Tuarascáil Bhliantúil Bhord Oideachais agus Oiliúna Luimnigh agus an Chláir a chlúdaíonn an tréimhse 12 mhí ón 1 Eanáir 2015 go dtí an 31 Nollaig 2015 a chur i láthair.

Táthar ag leanúint ar aghaidh le nuachóiriú agus uasghrádú na gcóras laistigh den eagraíocht a tosaíodh in 2013 agus tá dul chun cinn maith á dhéanamh i gcónaí maidir leis an gclár feabhsúcháin atá beartaithe againn. Dea-thiest ar ár bhfoireann, ar mhic léinn agus ar fhoghlaimoirí an chaoi ar ghlac siad leis na hathruithe sin go díograiseach agus iad ag leanúint ar aghaidh ag feidhmiú ar an ngnáthbhealach. Is é an diongbháilteacht agus an dúthracht sin a chinnteoidh go n-éireoidh le BOOLC dea-thorthaí a sholáthar dár gcuid mac léinn agus dár bhfoghlaimoirí ar feadh na mblianta.

George O'Callaghan, Príomhfheidhmeannach

Bord Oideachais agus Oiliúna Luimnigh agus an Chláir

Feidhm Bhord BOOLC

Is í feidhm Ghinearálta Bhord Oideachais agus Oiliúna Luimnigh agus an Chláir mar atá luaite in Acht an Bhoird Oideachais agus Oiliúna 2013—

- a) scoileanna aitheanta, ionaid oideachais nó áiseanna oideachais agus oiliúna aitheanta a bhunú agus a chothabháil ina limistéar feidhme,
- b) nuair a ordóidh an tAire dóibh é sin a dhéanamh faoi *alt 20*—
 - I. scoileanna aitheanta a bhunú agus a chothabháil ina limistéar feidhme,
 - II. ionaid oideachais a bhunú agus a chothabháil ina limistéar feidhme,
 - III. ionaid oideachais nó scoileanna aitheanta a chothabháil ina limistéar feidhme, agus
 - IV. áiseanna oideachais nó oiliúna a bhunú agus a chothabháil ina limistéar feidhme agus/nó acmhainní a sholáthar dóibh,
- c) pleanáil, soláthar, comhordú agus athbhreithniú a dhéanamh ar sholáthar oideachais agus oiliúna, lena n-áirítear oideachas agus oiliúint chun críche fostaíochta, agus seirbhísí atá coimhdeach leo ina limistéar feidhme—
 - I. i scoileanna nó in ionaid oideachais aitheanta atá á gcothabháil acu,
 - II. in áiseanna oideachas nó oiliúna atá á gcothabháil acu nó a bhfuil acmhainní á sholáthar acu dóibh,
 - III. i scoileanna coinneála leanaí,
 - IV. i bpríosúin, agus
 - V. in áiseanna arna gcothabháil ag comhlachtaí seirbhíse poiblí eile,
- d) socruithe a dhéanamh le soláthraithe oideachais nó oiliúna, agus seirbhísí tacaíochta a sholáthar dóibh, de réir *alt 22*,
- e) scoláireachtaí a bhunú de réir *alt 24*,
- f) ráiteas straitéise a ghlacadh de réir *alt 27*,
- g) plean seirbhíse bliantúil a ghlacadh de réir *alt 47*,
- h) comhoibriú le haon chomhlacht a ainmneofar chun na feidhmeanna iniúchóireachta inmheánacha a dhéanamh faoi *alt 52*,
- i) oideachas agus oiliúint a chur ar fáil ar iarratas ó, agus thar ceann, aon chomhlacht a mhaoiníonn oiliúint as airgead a sholáthraíonn an tOireachtas don chomhlacht sin,
- j) tacú le soláthar, comhordú, riar agus measúnú a dhéanamh ar sheirbhísí oibre don aos óg ina limistéar feidhme agus cibé faisnéis a sholáthar a iarrfaidh an tAire Leanaí agus Gnóthaí Óige maidir leis an tacaíocht sin, agus
- k) measúnú a dhéanamh le féachaint an bhfuil an modh ina gcomhlíonann sé a chuid feidhmeanna eacnamaíoch, éifeachtúil agus éifeachtach.

An tAcht um Eitic in Oifigí Poiblí agus an tAcht um Chaighdeáin in Oifigí Poiblí.

Ní mór do gach ball de Bhord Oideachas agus Oiliúna cloí le forálacha ábhartha an Achta um Eitic in Oifigí Poiblí, 1995 agus an Achta um Chaighdeáin in Oifigí Poiblí, 2001. Foráiltear leis an Acht um Eitic in Oifigí Poiblí 1995 go ndéanfadh sealbhóirí stiúirthóireachtaí ainmnithe agus áititheoirí post ainmnithe fostaíochta i gcomhlachtaí poiblí atá forordaithe chun críocha na reachtaíochta Eitice a leasanna inchlárú a nochtadh. Ceanglaítear ar chomhaltaí an Bhoird agus ar bhaill foirne ainmnithe Nochtadh Leasanna a sholáthar gach bliain i dtaca le saincheistean a d'fhéadfadh tionchar ábhartha a bheith acu ar chomhlíonadh feidhmeanna.

Coistí na mBord Oideachais agus Oiliúna

Cuid 5 44.-(1) Faoi réir alt 45, féadfaidh bord oideachais agus oiliúna coistí a bhunú chun-

- ceann amháin nó níos mó dá chuid feidhmeanna a chomhlíonadh a mheasann sé a d'fhéadfadh coiste a dhéanamh níos fearr nó níos áisiúla, nó
- comhairle a thabhairt dó maidir le haon cheann dá fheidhmeanna a chomhlíonadh agus féadfaidh sé téarmaí tagartha a chinneadh agus nós imeachta aon choiste den sórt sin a rialáil.

Ní bheidh coiste arna bhunú faoi fho-alt (1) comhdhéanta de níos mó ná 12 chomhalta agus féadfaidh sé, faoi réir fho-alt (9) agus fho-alt (12) (c), a bheith comhdhéanta de chomhaltaí nach bhfuil ina mbaill den bhord oideachais agus oiliúna lena mbaineann.

Cruinnithe Boird

- Sceideal 3: Alt 2 (1) den Acht um Boird Oideachais agus Oiliúna 2013 - faoi réir fhorálacha na míre sin agus alt 31 - tionólfaidh gach bord oideachais agus oiliúna cibé cruinnithe agus an oiread sin cruinnithe, ag cibé amanna, agus sna háiteanna sin de réir mar is cuí leis.
- Sceideal 3: Mír 2 (2) Beidh cruinniú amháin ar a laghad ag gach bord oideachais agus oiliúna gach 2 mhí seachas i mí Iúil, Lúnasa agus Meán Fómhair.
- Sceideal 3: Alt 2 (3) Beidh cruinniú amháin ar a laghad ag gach bord oideachais agus oiliúna le linn na tréimhse dar tosach an 1ú lá d'Iúil agus dar críoch an 30ú lá de Mheán Fómhair gach bliain.

Coinnítear miontuairiscí maidir le cruinnithe Bhoird BOOLC agus glactar leo. Tá taifead de thinreamh gach comhalta maidir le freastal ar chruinnithe Bhoird BOOLC agus sonraí a gcuid speansas sa tuarascáil seo.

Dualgas Dearfach

Leagtar amach le hAlt 42 den Acht fá Choimisiún na hÉireann um Chearta an Duine agus Comhionannas 2014 an Dualgas Dearfach a éilítear ó Chomhlachtaí Poiblí, lena n-áirítear Bord Oideachais agus Oiliúna Luimnigh agus an Chláir. Agus Bord Oideachais agus Oiliúna Luimnigh agus an Chláir ag comhlíonadh ár bhfeidhme, bímid ag féachaint do:

- Deireadh a chur le hidirdhealú
- Comhionannas deiseanna agus cóir chomhionann a chur chun cinn i gcás ár bhfoirne agus na ndaoine a gcuirimid seirbhísí ar fáil dóibh
- Cosaint chearta daonna ár mball, ár bhfoirne agus na ndaoine a gcuirimid seirbhísí ar fáil dóibh

Ciorclán Uimh. 0018/2015 maidir le Cód Cleachtais um Rialachas na mBord Oideachais agus Oiliúna

Is é an tAcht um Boird Oideachais agus Oiliúna 2013 an reachtaíocht phríomhúil a rialaíonn boird oideachais agus oiliúna, agus caithfear é a chomhlíonadh i gcónaí. Cé go Leagtar síos treoirlínte maidir le déileáil le cásanna áirithe sa Chiorclán Uimh. 0018/2015 maidir le Rialachas na mBord Oideachais agus Oiliúna ba cheart glacadh leis go príomha mar shraith chaighdeán do bhaill agus d'fhoireann an Bhoird. Táthar ag súil go gcinnteoidh na baill agus an fhoireann go mbeidh a gcuid gníomhaíochtaí i leith an Bhoird Oideachais agus Oiliúna á rialú i gcónaí ag litir agus ag spiorad na gcaighdeán sin. I gcás ina roghnaíonn Bord gan cloí le forálacha an chóid ba cheart míniú iomlán a thabhairt ag léiriú cén fáth ar beartaíodh é sin a dhéanamh.

Cuireann an Cód Cleachtais creat ar fáil chun dea-chleachtas i rialachas corparáideach a chur i bhfeidhm sna boird oideachais agus oiliúna. Éilítear ar Bhoird a dhearbhu don Aire Oideachais agus Scileanna go gcomhlíonann siad riachtanais is déanaí an Chóid ina gcleachtais agus ina nósanna imeachta rialachais. Ba cheart go mbeadh comhaltaí agus baill foirne na mBord Oideachais á dtreorú ag na prionsabail atá leagtha amach i ndoiciméad an Chóid Chleachtais maidir lena bhfreagracht a chomhlíonadh lena chinntiú go gcomhlíonann a gcuid gníomhaíochtaí uile na caighdeán rialachais chorparáideacha is airde.



Bord Oideachais agus Oiliúna Luimnigh agus an Chláir: Sonraí Ballraíochta

Comhaltaí an Bhoird ó mhí Iúil 2014 - Bord Oideachais agus Oiliúna Luimnigh agus an Chláir

An Clr Cathal Crowe (Cathaoirleach ó mhí Iúil 2014 – mí Iúil 2015),

An tUasal Joan Aherne (Cathaoirleach ó mhí Iúil 2015 go dtí an lá atá inniu ann) (Leaschathaoirleach ó mhí Iúil 2014 go mí Iúil 2015),

An Clr Maria Byrne,

An Clr Michael Donegan,

An Clr Michael Hillery,

An Clr Mary Howard,

An Clr Gabriel Keating,

An tUas. Sean Kennedy,

An Clr Ann Norton,

An Clr Richard O'Donoghue,

An Clr Kieran O'Hanlon,

An Clr Elena Secas,

An Clr Lisa Marie Sheehy,

An tUas. Tony Brazil,

An tUas. Mary Flanagan,

An tUas. Liam Galvin,

An tUas. Catherine Harren de Parra,

An tUas. Sean McMahon,

An tUas. Donal Ó hAiniféin,

An tUas. Mary M Vallenge,

An tUas. Michael Cregan

Dátaí Cruinnithe BOOLC in 2015: An 22 Eanáir 2015, an 12 Feabhra 2015, an 19 Márta 2015, an 26 Márta 2015, an 21 Bealtaine 2015, an 17 Iúil 2015, an 16 Meán Fómhair 2015 agus an 18 Samhain 2015.

Tá freagracht ar Choiste Airgeadais BOOLC as athbhreithniú a dhéanamh ar ioncam/caiteachas mórchonarthaí na BOOanna agus ar ghnéithe airgeadais na bpleananna oideachais agus seirbhíse.

- **Comhaltaí Choiste Airgeadais BOOLC:** An tUas. Tony Brazil, Cathaoirleach, An tUas. Fergus Dunne, An Clr Liam Galvin, An Clr Mary Howard, An Clr Kieran O'Hanlon
- **Dátaí Cruinnithe Choiste Airgeadais BOOLC 2015:** An 23 Aibreán 2015, an 30 Meitheamh 2015, an 8 Meán Fómhair 2015 agus an 16ú Nollaig 2015.

Tá Coiste Iniúcháireachta BOOLC freagrach as monatóireacht a dhéanamh ar an bhFeidhmeannas i gcomhlíonadh a bhfeidhmeanna agus soláthraíonn sé dearbhuithe don Choiste maidir le leordhóthanacht agus éifeachtacht na bpróiseas rialaithe inmheánaigh.

- **Comhaltaí Choiste Iniúcháireachta BOOLC:** An tUas. Marion Collins, Cathaoirleach, An Clr Maria Byrne, An tUas. Jimmy Browne, An Clr Gabriel Keating, an tUas. Sean McMahon agus an tUas. Declan Phillips
- **Dátaí Cruinnithe an Choiste Iniúcháireachta 2015:** An 27 Bealtaine 2015, an 16 Meitheamh 2015, an 30 Meán Fómhair 2015, an 19 Deireadh Fómhair 2015 agus an 16 Nollaig 2015.



Speansais Chomhaltaí an Bhoird agus na Cruinnithe ar Fhreastail Siad Orthu:


Íoctar speansais le comhaltaí an Bhoird chun taisteal chuig cruinnithe a bhaineann leis an mBord. Tá na costais comhiomlána a íocadh le gach comhalta laistigh den dá mhí dhéag go dtí an 31 Nollaig 2015 leagtha amach thíos:

Comhalta an Bhoird	Cruinnithe Reachtúla	Boird Agallaimh	Freastal ar Chomhdhála / Seimineáir	An Coiste Airgeadais/Iniú chóireachta	Iomlán	Uimh. na gCruinnithe Boird ar Freastalaíodh Orthu
An Clr Gabriel Keating	€ 1,625.68	€ -	€ 6,869.09	€ 450.25	€ 8,945.02	8
An Clr Kieran O'Hanlon	€ 319.39	€ 5,929.73	€ 376.64	€ -	€ 6,625.76	7
An Clr Maria Byrne	€ 202.60	€ 4,344.02	€ -	€ -	€ 4,546.62	7
An Clr Ann Norton	€ 517.26	€ 3,598.29	€ 275.90	€ -	€ 4,391.45	6
An Clr Mary Howard	€ 1,045.59	€ 2,369.03	€ -	€ 53.33	€ 3,467.95	7
An tUas. Catherine (Kate) Haren De Parra	€ 709.46	€ -	€ 1,321.53	€ -	€ 2,030.99	7
An tUas. Tony Brazil	€ -	€ -	€ -	€ 1,782.54	€ 1,782.54	7
An tUas. Sean McMahon	€ 601.33	€ -	€ 908.49	€ 239.64	€ 1,749.46	7
An Clr Liam Galvin	€ 774.25	€ -	€ 381.73	€ 105.33	€ 1,261.31	6
An tUas. Joan Aherne**	€ 509.87	€ -	€ 603.57	€ -	€ 1,113.44	6
An tUas. Sean Kennedy	€ 636.23	€ -	€ 418.94	€ -	€ 1,055.17	7
An Clr Michael Donegan	€ 344.61	€ -	€ 415.59	€ -	€ 760.20	8
An Clr Cathal Crowe*	€ 670.08	€ -	€ -	€ -	€ 670.08	8
An Clr Richard O'Donoghue	€ 568.89	€ -	€ 67.71	€ -	€ 636.60	6
An tUas. Mary Margaret Vallenge	€ 513.98	€ -	€ -	€ -	€ 513.98	7
An Clr Michael Hillery	€ 362.62	€ -	€ -	€ -	€ 362.62	7
An tUas. Mary Flanagan	€ -	€ 30.90	€ -	€ -	€ 30.90	5
An tUas. Michael Cregan	€ -	€ -	€ -	€ -	€ -	8
An tUas. Donal Ó hAiniféin	€ -	€ -	€ -	€ -	€ -	6
An Clr Elena Secas	€ -	€ -	€ -	€ -	€ -	5
An Clr Lisa Marie Sheehy	€ -	€ -	€ -	€ -	€ -	8
Iomlán	€ 9,401.84	€16,271.97	€ 11,639.19	€ 2,631.09	€ 39,944.09	

Seirbhísí Eagrúcháí

Bord Oideachais agus Oiliúna Luimnigh agus an Chláir

Struchtúr Eagraíochtúil



Cuireann Seirbhísí Eagrúcháin laistigh de BOOLC réimse seirbhísí riaracháin agus tacaíochta ar fáil do Rannán na Scoileanna agus don Rannán Breisoideachais agus Oiliúna. Mar atá leagtha amach thuas, eagraítear na seirbhísí sin sna cúig rannán riaracháin seo a leanas:

An Rannán Gnóthaí Corparáideacha:

Tá an Rannán um Ghnóthaí Corparáideacha i mBord Oideachais agus Oiliúna Luimnigh agus an Chláir freagrach as a chinntiú go léiríonn an eagraíocht dea-chleachtas maidir le comhlíonadh na dtreoirínte reachtúla, rialála agus rialachais agus ó thaobh struchtúir na mBord Oideachais agus Oiliúna. Áirítear iad seo a leanas mar réimsí freagrachta laistigh de chúrsaí corparáideacha:

- Idirchaidreamh Bhord BOOLC (togcháin / ballraíocht / fo-choistí)

- Seirbhís tacaíochta inmheánach chun straitéisí BOOLC a bhaint amach, a chinntiú go gcomhlíontar roinnt oibleagáidí rialachais agus feabhas a chur ar bheartais agus ar nósanna imeachta corparáideacha
- Ról comhordúcháin maidir le rialachas a chaighdeánú agus maoirseacht cuntasachta ar fud BOOLC
- Soláthraíonn seirbhís riaracháin agus comhordaithe i ndáil le saincheisteanna maidir le Saoráil Faisnéise agus Bainistiú Taifead. Soláthraíonn pointe teagmhála don Choimisinéir Cosanta Sonraí
- Clár Riosca agus Rialú Sonraí um Shláinte agus Sábháilteacht
- Pleanáil agus Tuairisciú
- Beartas agus Nósanna Imeachta

An Rannán Airgeadais:

Tá an Rannán Airgeadais de chuid Bhord Oideachais agus Oiliúna Luimnigh agus an Chláir freagrach as pleanáil airgeadais, tuairisciú agus rialuithe, bainistiú airgid, bainistiú rioscaí inmheánacha, airgeadas corparáideach, iniúchóireacht agus cunsaíocht ar bhuiséad bliantúil de €130 milliún. Oibríonn dhá Fhochoiste BOOLC leis an rannán airgeadais chun dea-rialachas a sholáthar don BOOLC. Tá Coiste Airgeadais BOOLC freagrach as athbhreithniú a dhéanamh ar ioncam/chaiteachas mórchonartháí an BOO agus ar ghnéithe airgeadais an phlean oideachais agus seirbhíse agus tá Coiste Iniúchóireachta BOOLC freagrach as monatóireacht a dhéanamh ar an bhFeidhmeanna i gcomhlíonadh a fheidhmeanna agus soláthraíonn sé dearbhuithe don Bhord maidir le leordhóthanacht agus éifeachtacht na bpróiseas rialaithe inmheánaigh. Áirítear ar na réimsí freagrachta laistigh den Rannán airgeadais:

- Creidiúnaithe
- Párolla
- Cúrsaí Cistíochta
- Iniúchadh
- Buiséadú, pleanáil agus tuairisciú

An Rannán Acmhainní Daonna:

Soláthraíonn Rannán Acmhainní Daonna de chuid Bhord Oideachais agus Oiliúna Luimnigh agus an Chláir tacaíocht do níos mó ná 2,500 ball foirne a sholáthraíonn seirbhísí oideachais agus tacaíochta do 34,000 foghlaiméir agus tairbhí ar fud Contae Luimnigh agus an Chláir. Áirítear ar na réimsí oibre:

- Earcaíocht agus Roghnú
- Forbairt Ghairmiúil Leanúnach
- Cúiteamh agus Sochair
- Pleanáil an Fhórsa Oibre
- Caidreamh Foirne

An Rannán TFC:

Tá Rannán Teicneolaíochta Faisnéise agus Cumarsáide de chuid Bhord Oideachais agus Oiliúna Luimnigh agus an Chláir freagrach as córais agus seirbhísí teicneolaíochta faisnéise a bhunú, monatóireacht a dhéanamh orthu agus iad a chothabháil i scoileanna, ionaid agus seirbhísí BOOLC i Luimneach agus sa Chlár. Áirítear ar na réimsí oibre:

- Suiteáil agus cothabháil líonra ríomhaireachta BOOLC
- Soláthar agus cothabháil struchtúr SharePoint agus struchtúr ríomhphoist BOOLC.
- Forbairt agus cur i bhfeidhm straitéis TFC BOOLC
- Forbairt agus monatóireacht a dhéanamh ar chomhaontuithe creat soláthair TFC
- Tacaíocht a sholáthar d'Fhoghlaim le Cuidiú Teicneolaíochta i scoileanna agus ionaid BOOLC.

- Seirbhísí TFC a phleanáil, a fhorbairt agus a sholáthar a thacaíonn le gach réimse den eagraíocht agus Seirbhísí TFC a sholáthar go héifeachtach do chúrsaí teagaisc agus foghlama sna Scoileanna/Coláistí/Ionaid go léir agus feabhas a chur chúrsaí bainistíochta agus riaracháin ar fud BOOLC trí Rannán TFC lárraithe;
- A chinntiú go bhfuil TFC leabaithe sna gníomhaíochtaí Teagaisc agus Foghlama chun taithí na bhfoghlaimeoirí a mhéadú agus a fheabhsú sna Scoileanna, sna Coláistí agus sna hIonaid Bhreisoideachais agus Oiliúna laistigh de BOOLC trí chultúr na saoránachta digití a chothú inár seomraí ranga agus inár n-ionaid oibre

An Rannán Chaipitil agus Soláthair:

Príomhghné de chlár Athchóirithe na Seirbhíse Poiblí is ea costais a laghdú agus luach níos fearr ar airgead a bhaint amach trí sholáthar poiblí a leasú. Tá an Rannán Chaipitil agus Soláthair de chuid Bhord Oideachais agus Oiliúna Luimnigh agus an Chláir freagrach as soláthar caipitil agus soláthar ginearálta ar fud scoileanna ionaid agus seirbhísí BOOLC i gContae Luimnigh agus i gContae an Chláir. Áirítear ar réimsí oibre:

- Bainistiú caipitil - lena n-áirítear oibreacha samhraidh, oibreacha éigeandála agus obair thógála nua.
- Bainistiú soláthair - lena n-áirítear bainistiú tairiscintí agus conarthaí.
- Forbairt agus cur i bhfeidhm straitéis soláthair BOOLC
- Bainistiú próiseas tairisceana agus comhaontuithe creatlaí
- Bainistiú Conarthaí agus tuairisciú.

Achoimre Airgeadais

Straitéis Airgeadais

Is é cuspóir na Feidhme Airgeadais tacaíocht a thabhairt don Bhord chun na cuspóirí atá leagtha amach sa Phlean Seirbhíse a bhaint amach laistigh den bhuiséad. Áirítear le tacaíocht airgeadais tacaíocht chinnteoireachta, rialú corparáideach ar airgead poiblí, próiseáil idirbheartaíochta agus cuntasacht reachtúil

Cuntasacht Reachtúil

Baineann ceanglais dhaingne chuntasachta le Bord Oideachais agus Oiliúna Luimnigh agus Chláir. Áirítear leis na ceanglais sin ullmhú na gcuntas bliantúil i bhformáid atá forordaithe ag an Roinn Oideachais agus Eolaíochta agus iniúchadh na gcuntas sin ag an Ard-Reachtair Cuntas agus Ciste. Tá córais rialaithe airgeadais i bhfeidhm lena chinntiú go gcomhlíonfar na ceanglais sin agus chun go mbainfear amach na cuspóirí go héifeachtach.

Foinsí Maoinithe:

Is í an Roinn Oideachais agus Scileanna (ROS) go príomha a thugann maoiniú do Bhord Oideachais agus Oiliúna Luimnigh chun a chlár dara leibhéal a chur ar fáil agus is iad SOLAS agus ROS a chuireann maoiniú ar fáil do chlár bhreisoideachais agus oiliúna. Fuarthas cistiú le haghaidh tionscadal áirithe ó Ranna agus ó Ghníomhaireachtaí Rialtais eile freisin in 2015, lena n-áirítear:

- An Roinn Gnóthaí Pobail, Comhionannais agus Gaeltachta
- An Roinn Gnóthaí Sóisialacha agus Teaghlaigh
- Oifig an Aire Leanaí agus Gnóthaí Óige
- An Roinn Fiontair, Trádála agus Nuálaíochta
- An tAontas Eorpach.
- Tionsaítear airgead freisin trí mhuirir a ghearradh ar sheirbhísí mar tháillí teagaisc, cíos na seomraí agus gníomhaíochtaí ar an leibhéal áitiúil.

Déanann an tArd-Reachtair Cuntas agus Ciste iniúchadh gach bliain ar Bhord Oideachais agus Oiliúna Luimnigh agus an Chláir a chuireann tuarascáil ar mhaoirseacht airgeadais an Bhoird faoi bhráid an Oireachtais. B'fhiú €128,027,403 admhálacha an BOOLC don dá mhí dhéag dar críoch an 31 Nollaig 2015 agus bhain €3,032,983 den mhéid sin leis na tionscadail chaipitil.

Tuarastal an Phríomhfheidhmeannaigh: De réir scálaí pá a cheadaigh an Roinn Oideachais agus Scileanna, íocadh €116,361 leis an bPríomhfheidhmeannach (gan ÁSPC an Fhostóra san áireamh) sa bhliain dar críoch an 31 Nollaig 2015. Íocadh €2,500 mar ÁSPC Fostóra freisin. Ní dheachaigh an Príomhfheidhmeannach ar aon turas eachtrach ar mhaithe le gnó an BOO le linn na tréimhse. Tá an Príomhfheidhmeannach ina bhall de scéim shainithe neamh-mhaoinithe pinsin na hearnála poiblí agus ní mó na teidlíochtaí pinsean ná na teidlíochtaí caihdeánacha atá ar fáil faoin scéim.



Achoimre Airgeadais BOOLC don bhliain dar críoch an 31 Nollaig 2015

**Bord Oideachais agus Oiliúna Luimnigh agus an Chláir
Ráiteas Oibriúcháin don Bhliain dar Críoch an 31 Nollaig 2015**

FÁLTAIS	An bhliain dar críoch 31/12/2015 €	18 Mhí dar críoch 31/12/2014 €
Deontais do Scoileanna & don Cheannoifig	62,097,165	93,737,598
Deontais Bhreisoideachais agus Oiliúna	54,531,907	44,158,822
Deontais i leith Sheirbhísí Tacaíochta do Mhic Léinn	551,606	2,582,011
Deontais i leith Seirbhísí Óige	1,976,482	3,293,885
Gníomhaireachtaí agus Tionscadail Féinmhaoinithe	5,837,260	10,977,210
Deontais Chaipitil	3,032,983	4,236,042
	128,027,403	158,985,568
ÍOCAÍOCHTAÍ	€	€
Scoileanna & Ceannoifig	62,723,126	94,702,762
Breisoideachas agus Oiliúint	53,441,906	45,143,353
Seirbhísí Tacaíochta do Mhic Léinn	505,202	2,648,078
Seirbhísí Óige	2,069,446	2,801,357
Gníomhaireachtaí agus Tionscadail Féinmhaoinithe	6,375,964	10,609,444
Caipiteal	4,477,223	1,835,067
	129,592,867	157,740,061
Barrachas/(Easnamh) Airgid Thirim don Tréimhse	(1,565,464)	1,245,507
Gluaiseacht i nGlansócmhainní Reatha eile	1,561,150	(560,654)
Barrachas Ioncaim Fabhráithe/(Easnamh) don Tréimhse	(4,314)	684,853
Barrachas / (Easnamh) Ioncaim amhail an 01/01/2015	(150,179)	(835,032)
Barrachas / (Easnamh) Ioncaim amhail an 31/12/2015	(154,493)	(150,179)



Scoileanna

Tá Bord Oideachais agus Oiliúna Luimnigh agus an Chláir freagrach as ocht gcinn déag d'iar-bhunscoileanna i Luimneach agus sa Chlár a bhainistiú agus a réachtáil. Cuireann scoileanna BOOLC timpeallacht fháilteach, chuimsitheach ar fáil, tá siad tiomanta do bharr feabhais sa teagasc agus sa bhfoghlaim, cuireann siad ceannaireacht láidir scoile ar fáil mar aon le cultúr scoile a chuireann fáilte roimh daoine agus tá siad tiomanta do chinntiú go mbainfidh gach mac léinn amach a acmhainn nó a hacmhainn. Tugann an BOOLC tacaíocht do scoileanna aonair chun a ról sna pobail a fheabhsú trí chomhoibriú agus cumarsáid mhéadaithe leis na páirtithe leasmhara uile, lena n-áirítear daltaí, tuismitheoirí, eagraíochtaí áitiúla spóirt agus pobail agus eagraíochtaí deonacha. I measc na gclár atá ar fáil i Scoileanna Iar-bhunscoile BOOLC tá:

- An Teastas Sóisearach
- Cláir Idirbhliana
- An Ardteistiméireacht
- Cláir Ardteistiméireachta Fheidhmeacha

Áirítear ar na hábhair atá ar fáil ar an gcuraclam eolaíocht, teicneolaíocht, innealtóireacht, matamaitic, teangacha, daonnachtaí agus ealaíona ar leibhéal shóisearacha agus shinsearacha araon. Dírímid ar ar fhorbairt iomlánaíoch ár ndaltaí agus ar an ábhar sin spreagaimid iad chun páirt a ghlacadh i ngníomhaíochtaí seach-churaclaim lena n-áirítear spóirt, drámaíocht, ceol, eolaíocht, fiontraíocht, díospóireacht agus tionscadail ilmheán.

Líon ar Rolla:

Líon Daoine ar Rollaí Bhord Oideachais agus Oiliúna Luimnigh agus an Chláir ar an 30 Meán Fómhair 2014								
Scoil	JCSP	Sóisearach	Sinsearach	VPTP	LCVP	LCAP	Iomlán	
70830N	Coláiste Pobail na hInse, Inis, Co. an Chláir	168	63	96	126	35	26	514
70840Q	Gairmscoil Inis Díomáin, Inis Díomáin, Co. An Chláir	14	65	24	13	47	0	163
70860W	Coláiste Pobail Chill Michíl, Cill Michíl, Co. an Chláir	0	92	51	0	41	0	184
70880F	Coláiste Pobail Naomh Iósaf, Cill Chaoi, Co. an Chláir	0	103	25	0	41	0	169
70900I	Coláiste Pobail na Scairbhe, An Scairbh, Co. an Chláir	0	204	62	0	99	10	375
70901K	Coláiste Pobail Naomh Áine, Cill Dalua, Co. an Chláir	0	328	105	0	120	0	553
71700F	Coláiste Mhuire, Eas Géitine, Co. Luimnigh	0	219	68	0	153	0	440
71790J	Coláiste Dheasmhumhain, an Caisleán Nua, Co. Luimnigh	61	169	83	0	138	37	488
71840V	Coláiste Chiaráin, Cromadh, Co. Luimnigh	29	413	173	80	158	6	859
71850B	Coláiste Collchoile, Drom Collachair, Co. Luimnigh	0	270	123	31	125	27	576
71920T	Coláiste Pobail Naomh Neasa, Maoilis, Luimneach	213	0	107	0	0	32	352
71930W	Coláiste Breisoideachais Luimnigh, Luimneach	0	0	0	1152	0	0	1152
76061W	Coláiste na Trócaire, Ráth Caola, Co. Luimnigh	101	177	56	0	104	7	445
76070A	Coláiste Iósaf, Cill Mocheallóg, Co. Luimnigh	45	206	67	85	144	15	562
76073G	Coláiste Chaladh an Treoigh, Caladh an Treoigh, Co. Luimnigh	0	642	235	0	321	0	1198
76075K	Coláiste Pobail Naomh Eoin Bosco, Cill an Dísirt, Co. an Chláir	0	120	19	13	40	0	192
76093M	Coláiste Íde agus Iosef, Mainistir na Féile, Co. Luimnigh	76	274	150	0	121	20	641
76101I	Gaelcholaiste Luimnigh, Meal Sior Anraí, Luimneach	0	303	241	0	0	0	544
	IOMLÁN amhail an 30 Meán Fómhair 2014	707	3648	1685	1500	1687	180	9407



Líon Daoine ar Rollaí Bhord Oideachais agus Oiliúna Luimnigh agus an Chláir amhail an 30 Meán Fómhair 2015

Scoil	JCSP	Sóisearach	Sinsearach	VPTP	LCVP	LCAP	Iomlán	Rollú ceadaithe	
70830N	Coláiste Pobail na hInse, Inis, Co. an Chláir	138	104	92	104	37	26	501	126
70840Q	Gairmscoil Inis Díomáin, Inis Díomáin, Co. An Chláir	12	107	2	20	54	0	195	24
70860W	Coláiste Pobail Chill Michíl, Cill Michíl, Co. an Chláir	0	96	42	0	73	0	211	0
70880F	Coláiste Pobail Naomh Iósaf, Cill Chaoi, Co. an Chláir	0	87	40	0	17	0	144	0
70900I	Coláiste Pobail na Scairbhe, An Scairbh, Co. an Chláir	0	227	63	0	98	9	397	0
70901K	Coláiste Pobail Naomh Áine, Cill Dalua, Co. an Chláir	0	309	128	0	127	0	564	0
71700F	Coláiste Mhuire, Eas Géitine, Co. Luimnigh	0	231	94	0	110	0	435	0
71790J	Coláiste Dheasmhumhain, an Caisleán Nua, Co. Luimnigh	61	132	80	0	114	31	418	0
71840V	Coláiste Chiaráin, Cromadh, Co. Luimnigh	49	387	202	79	148	12	877	90
71850B	Coláiste Collchoile, Drom Collachair, Co. Luimnigh	0	276	140	30	105	22	573	31
71920T	Coláiste Pobail Naomh Neasa, Maoilis, Luimneach	217	0	56	0	63	37	373	0
71930W	Coláiste Breisoideachais Luimnigh, Luimneach	0	0	0	1138	0	0	1138	1063
76061W	Coláiste na Trócaire, Ráth Caola, Co. Luimnigh	143	129	67	0	90	11	440	0
76070A	Coláiste Iósaf, Cill Mocheallóg, Co. Luimnigh	48	171	81	85	132	10	527	84
76073G	Coláiste Chaladh an Treoigh, Caladh an Treoigh, Co. Luimnigh	0	652	241	0	316	0	1209	0
76075K	Coláiste Pobail Naomh Eoin Bosco, Cill an Désirt, Co. an Chláir	0	108	9	8	65	0	190	19
76093M	Coláiste Íde agus Iosef, Mainistir na Féile, Co. Luimnigh	74	298	146	0	118	19	655	0
76101I	Gaelcholaiste Luimnigh, Meal Sior Anraí, Luimneach	0	308	254	0	0	0	562	0
	IOMLÁN an 30 Meán Fómhair 2015	742	3622	1737	1464	1667	177	9409	1437

Breisoideachas agus Oiliúint

Achoimre ar Sholáthar 2015: Le linn 2015 chuir rannán Breisoideachais agus Oiliúna BOOLC 993 cúrsa agus seirbhís ar fáil do 25,861 tairbhí i níos mó ná 300 áit ar fud Luimnigh agus an Chláir.

Seirbhís Breisoideachais agus Oiliúna BOOLC 2015	
<p>Creat Straitéiseach Breisoideachais agus Oiliúna BOOLC 2015 - 2020</p> <p>Ceithre Thosaíocht Straitéiseacha</p> <ol style="list-style-type: none"> 1. Rochtain agus Dul chun Cinn 2. Teagasc agus Foghlaim Ardcháilíochta 3. Rannpháirtíocht Páirtithe Leasmhara 4. Éifeachtacht agus Cuntasacht maidir le Rialachas agus Ceannaireacht <p>Soláthar in 2015</p> <p>993 chúrsa</p> <p>25,861 Tairbhí</p> <p>300 áit</p>	<p>Seirbhís Breisoideachas agus Oiliúint BOOLC in 2015</p> <p>19,397 Áit Pháirtaimseartha</p> <ul style="list-style-type: none"> • Grúpaí um Litearthacht d’Aosaigh - 5269 • Béarla do Chainteoirí Teangacha Eile - 1361 • Dianoideachas Bunúsach do Dhaoine Fásta – 940 • Teagasc Deonach Litearthachta – 323 • Tionscnamh um Fhilleadh ar an Oideachas – 3607 • Scileanna don Obair – 474 • Oideachas Pobail – 4304 • Oiliúint Tráthnóna – 1472 • Uaireanta Comhair – 1565 • Soláthraithe Oiliúna Speisialaithe – 82 <p>6,464 Áit Lánaimseartha</p> <ul style="list-style-type: none"> • Printíseachtaí - 624 • Nasc-chúrsaí & Bunchúrsaí - 267 • Ionaid Oiliúna Pobail - 106 • Tionscnaimh Oiliúna Áitiúla – 288 • Cúrsaí Iar-Ardteistiméireachta - 2560 • Oiliúint Sainscileanna – 1220 • Cúrsaí Oiliúna - 209 • Scéim Oiliúna Gairmoideachais agus Deiseanna - 522 • Ógtheagmháil - 668

I rith mhí Dheireadh Fómhair 2015, sheol an Plan Straitéiseach Seirbhíse Breisoideachais agus Oiliúna 2015-2020 . Chuige sin chuathas i mbun comhairliúcháin agus taighde a mhair níos mó ná 12 mhí agus ba é an toradh a bhí air ná gur ceapadh creat ar fud na seirbhíse trína gcuirtear in iúl misean, fíis agus luachanna an rannáin Bhreisoideachais agus Oiliúna laistigh de Bhord Oideachais agus Oiliúna Luimnigh agus an Chláir. (www.lcft.ie/Publications). Feidhmíonn sé mar scáthchreatlach agus cuireann sé fíis chomhroinnte ar fáil dár seirbhís agus treoraíonn sé gach ionad, coláiste, clár agus seirbhís Bhreisoideachais agus Oiliúna de chuid BOOLC i bhforbairt phleananna forfheidhmithe comhtháite dá soláthar lánaimseartha agus páirtaimseartha. Leagtar amach ceithre thosaíocht straitéiseacha don tseirbhís go léir sa straitéis atá ag teacht le Plean Corparáideach BOOLC agus le Straitéis SOLAS 2014-2019: Rochtain agus Dul chun Cinn; Teagasc agus Foghlaim Ardcháilíochta; Rannpháirtíocht Páirtithe Leasmhara agus Éifeachtacht & Cuntasacht i Rialachas & i gCeannaireacht.

Comhoibriú le hInstitiúidí Eile

Tagraíonn comhoibriú le hinstiúidí eile do sheirbhísí teagaisc a sholáthraíonn BOOLC do raon eagraíochtaí oideachais, oiliúna agus seirbhísí sóisialta. Tar éis próisis iarratais, leithdháileann an Roinn Oideachais agus Scileanna uaireanta teagaisc ar raon eagraíochtaí agus tionscadail. Cuirtear ceann de na cláir sin ar fáil san Ionad Oideachais i bPríosún Chathair Luimnigh. Cuimsíonn sé réimse cúrsaí a sholáthar, idir cúrsaí creidiúnaithe agus cúrsaí neamhchreidiúnaithe, a reáchtáiltear le linn uaireanta sonraithe sa lá agus sa tráthnóna. Is ar bhonn deonach a fhreastalaíonn príosúnaigh ar ranganna.

In 2015, d'oibrigh Bord Oideachais agus Oiliúna Luimnigh agus an Chláir i gcomhar le líon mór eagraíochtaí nó institiúidí eile trí uaireanta teagaisc nó cúnamh airgeadais a sholáthar, lena n-áirítear na heagraíochtaí seo a leanas:

- Ionaid Oiliúna Phobail agus Ceardlanna
- Príosún Luimnigh
- Uaireanta comhoibrithe tríd an Oifig Bhreiseoideachais agus Oiliúna
 - Scoil Cheoil Luimnigh
 - Catherine McAuley
 - Seirbhísí Sóisialta
 - Céim Ar Chéim
 - Coiscéim
 - Aonad Oideachais Príosúin
 - Ionad Luimnigh do dhaoine Dífhostaithe
 - Tionscadail Óige
 - Naomh Cainnigh (Cnoc Naomh Uinseann)
 - Mol Foghlama
 - Ionad Seirbhísí Sóisialta Cura
 - Seirbhís Óige Luimnigh
 - Maoin Cheoil
 - Seirbhís an Chláir d'Imircigh
 - Seirbhís Naomh Áine um Riachtanais Speisialta Oideachais

Ghlac 1564 foghlaimeoir páirt in 2015 i gcláir a bhí á maoiniú faoin snáithe maidir le comhar le hinstiúidí.

Comhpháirtíocht:

De bhreis ar an gcomhar foirmiúil atá ann trí sheirbhísí teagaisc a sholáthar, ceann de thosaíochtaí straitéiseacha Bord Oideachais agus Oiliúna Luimnigh agus Chláir is ea oibriú i gcomhpháirtíocht leis na príomhpháirtithe leasmhara i Luimneach agus sa Chlár. Chuige sin, comhoibríonn BOOLC le raon comhlachtaí poiblí agus le heagraíochtaí deonacha agus pobail. Téann Bord Oideachais agus Oiliúna Luimnigh agus an Chláir i dteagmháil go rialta leis an Roinn Coimirce Sóisialaí agus tá siad ina mball de **Choistí Forbartha Pobail Áitiúla** na nÚdarás Áitiúil i Luimneach agus sa Chlár. Oibríonn an BOOLC freisin go dlúth leis na Cuideachtaí Comhpháirtíochta áitiúla (Cuideachta Forbartha Áitiúil an Chláir, Acmhainní Luimnigh Thiar, Forbairt Bhealach Eabhra agus Comhpháirtíocht Paul) chomh maith le hionadaithe a bheith acu ar Chomhlachtaí Rialaithe Institiúid Teicneolaíochta Luimnigh, Institiúid Teicneolaíochta Thrá Lí agus Institiúid Teicneolaíochta na Gaillimhe Mhaigh Eo.

Oibríonn an BOOLC go dlúth leis na hÚdarás Áitiúla i Luimneach agus sa Chlár agus tá socruithe comhpháirtíochta déanta aige maidir le roinnt tionscnamh mar na **tionscadail Music Generation** atá againn.

- Bunaíodh Music Generation i gCathair Luimnigh in 2013 agus tá sé á bhainistiú ag Comhpháirtíocht Oideachais Cheoil Chathair Luimnigh, faoi stiúir Bhord Oideachais agus Oiliúna Luimnigh i gcomhpháirtíocht le Comhairle Cathrach Luimnigh, Ollscoil Luimnigh, Coláiste Mhuire gan Smál, Institiúid Teicneolaíochta Luimnigh, Ceolfhoireann Aireagail na hÉireann, Coláiste Breisoideachais Luimnigh, Scoil Cheoil Luimnigh, Mol Foghlama Luimnigh, Lónra Oscailte de Bhunscoileanna DEIS, Iar-bhunscoileanna DEIS, lyric fm RTÉ, Seirbhísí Óige, Acadamh Ceoil Peter Dee agus Ionad Ceoil Ord an tSlánaitheora. Úsáidtear cumhacht an cheoil sa tionscadal mar bhealach cuimsithe trína dtagann daoine óga ó gach cearn den chathair le chéile chun a gcuid taithí a roinnt eatarthu agus comhoibriú go cruthaitheach.
- Seoladh Music Generation an Chláir ar an 8 Samhain 2014 agus tá sé d'aidhm aige deiseanna cuimsitheacha léirithe agus foghlama a sholáthar do dhaoine óga an Chláir. Is í Comhpháirtíocht Oideachais Cheoil an Chláir a bhainistíonn Music Generation an Chláir, faoi stiúir Bhord Oideachais agus Oiliúna Luimnigh agus an Chláir i gcomhpháirtíocht le Comhairle Contae an Chláir, Ollscoil Luimnigh, Ionad Oideachais an Chláir agus Cumann Naomh Uinseann de Pól.

Luimneach ag Foghlaim: Tá an BOOLC agus Údarás Áitiúil Luimnigh ina mbaill de Ghrúpa Stiúrtha Luimneach ag Foghlaim. Fóram comhpháirtíochta is ea é sin atá tiomanta do chultúr foghlama a chruthú i Luimneach. Tá sé comhdhéanta de chomhpháirtithe reachtúla, áitiúla, agus gnó mar aon le comhpháirtithe pobail agus deonacha a bhfuil ról acu maidir le Foghlaim i Luimneach. Ceann de na rudaí a d'eascair ó obair Ghrúpa Stiúrtha Luimneach ag Foghlaim ab ea Féile Foghlama ar feadh an tSaoil Luimnigh. Bunaíodh an fhéile seo chun tacú le raon líonraí agus grúpaí earnálacha ina n-iarreachtaí chun daoine a spreagadh dul i mbun taithí dhearfach foghlama agus déantar ceiliúradh bliantúil ar Fhoghlaim ar feadh an tSaoil ar fud chathair agus chontae Luimnigh trí Fhéile Foghlama ar feadh an tSaoil Luimnigh.

Ionad Oideachais & Oiliúna Fáilteachais: Ba í an tAire Oideachais agus Scileanna, Jan O'Sullivan, TD, a d'oscail an tIonad Oideachais agus Oiliúna Fáilteachais nua go hoifigiúil ar an Luan an 15 Nollaig 2014. Is é aidhm an ionaid atá lonnaithe in Iar-Ionad Oiliúna Fáilte Ireland, Baile an Róistigh, dul i ngleic leis an easnamh atá ann maidir le foireann cháilithe chuí a bheith ar fáil i dTionscal Fáilteachais na hÉireann. Faoi láthair tá 32 oiliúnaí ag freastal ar an ionad agus iad ag fáil oiliúna in obair chócaireachta, bialainne agus tí ósta. Tá an tIonad nua-oscailte faoi stiúir Bord Oideachais agus Oiliúna Luimnigh agus an Chláir (BOOLC) agus cuireann Comhairle Cathrach agus Contae Luimnigh maoiniú ar fáil dó. Tionscadal comhpháirtíochta atá ann a bhfuil SOLAS, an Roinn Coimirce Sóisialaí, Comhpháirtíocht Paul, Comhpháirtíocht Forbartha Fiontair Luimnigh, Institiúid Teicneolaíochta Luimnigh, Fáilte Ireland, Coláiste Breisoideachais Luimnigh agus ionadaithe na n-earnálacha Fáilteachais agus Turasóireachta páirteach ann.

Feidhmeanna Obair Óige

Faoi Acht na mBord Oideachais agus Oiliúna 2013, tá feidhmeanna reachtacha ag Bord Oideachais agus Oiliúna Luimnigh agus an Chláir - *tacú le soláthar, comhordú, riar agus measúnú seirbhísí oibre don óige ina limistéar feidhme agus cibé faisnéis a sholáthar a iarrfaidh an tAire Leanaí agus Gnóthaí Óige maidir lena leithéid de thacaíocht*. Soláthraíonn an tAcht um Boird Oideachais agus Oiliúna 2013, a chuimsíonn an tAcht um Obair Óige 2001, sainmhíniú dlíthiúil ar obair don aos óg agus tugtar breac-chuntas ar phríomhról na hearnála reachtúla maidir le tacú le forbairt clár agus seirbhísí oibre don aos óg agus faoina chomhordú le seirbhísí eile do dhaoine óga.

Agus iad ag comhlíonadh a bhfeidhmeanna reachtúla maidir le hobair don óige, oibríonn foireann oifigeach óige BOOLC i gcomhpháirtíocht le raon gníomhaireachtaí tábhachtacha, deonacha agus reachtúla, a bhfuil ról acu i soláthar seirbhísí do dhaoine óga sa réigiún. Tríd an bpróiseas seo, cuireann BOOLC obair don aos óg chun cinn, a shainítear sa reachtaíocht mar chlár pleanáilte oideachais a thacaíonn le forbairt shóisialta agus phearsanta na ndaoine óga. Ós rud é gur shraith luachmhar oideachais neamhfhoirmeálta iad na cláir agus na seirbhísí ardchaighdeáin oibre don óige aithníonn BOOLC an dea-thionchar láidir a bhíonn acu ar dhaoine aonair agus ar phobail.

Téann an earnáil oibre don aos óg i ngleic le daoine óga i suíomhanna neamhfhoirmeálta a dhéanann comhlánú ar an oideachas foirmiúil a fhaigheann siad. Chuir an tAcht um Obair don Aos Óg 2001 agus an Plean Forbartha Náisiúnta um Obair don Ógra 2003-2007, a d'eascair ó phróiseas comhairliúcháin fairsing idir an earnáil dheonach agus an earnáil reachtúil, treoir níos soiléire ar fáil d'obair don aos óg. Sainmhíneáir obair don óige in Alt 3 den Acht um Obair don Aos Óg 2001 mar: *'Clár pleanáilte oideachais atá deartha le cabhrú le forbairt phearsanta agus shóisialta na ndaoine óga agus lena bhfeabhsú trína rannpháirtíocht dheonach, agus a dhéanann comhlánú ar a n-oideachas foirmiúil, acadúil nó oiliúna nó gairmoiliúna; agus atá á chur ar fáil go príomha ag eagraíochtaí deonacha um obair don óige.'* Leagtar béim san sainmhíniú seo ar cheithre ghné thábhachtacha d'obair don óige a bhíonn:

- pleanáilte;
- oideachasúil;
- bunaithe ar rannpháirtíocht dheonach;
- á cur ar fáil go príomha trí sheirbhísí deonacha oibre don óige.

Má tá forbairt leanúnach le déanamh ar obair don óige agus má tá sí le bheith inbhuanaithe mar dheis oideachais do gach duine óg, caithfear na gnéithe sin a aithint, a léiriú agus a fhorbairt. Cuireann Seirbhísí Óige BOOLC tuarascáil mhionsonraithe bhliantúil faoi dhul chun cinn faoi bhráid na Roinne Leanaí agus Gnóthaí Óige thar ceann Bhord Oideachais agus Oiliúna Luimnigh agus an Chláir agus bhí siad seo a leanas san áireamh mar bhuaicphointí na bliana 2015:

Bunú Coiste Óige BOOLC: I mí Dheireadh Fómhair 2015 agus de réir Alt 44 den Acht um Boird Oideachais agus Oiliúna 2013, bhunaigh BOOLC Coiste Oibre Óige BOOLC a dhéanfaidh moltaí do Bhord Oideachais agus Oiliúna Luimnigh agus an Chláir maidir le comhlíonadh a fheidhmeanna faoi Alt 10 den Acht um Boird Oideachais agus Oiliúna

(j) tacú le soláthar, comhordú, riar agus measúnú a dhéanamh ar sheirbhísí oibre don aos óg ina limistéar feidhme agus cibé faisnéis a sholáthar a iarrfaidh an tAire Leanaí agus Gnóthaí Óige maidir leis an tacaíocht sin

(k) measúnú a dhéanamh le féachaint an bhfuil an modh ina gcomhlíonann sé a chuid feidhmeanna eacnamaíoch, éifeachtúil agus éifeachtach.

Tá an Clr Ciarán O’Hanlon ina chathaoirleach ar an gCoiste um Obair don Aos Óg agus a bhfuil ionadaithe ag na heagraíochtaí seo a leanas air.

- Bord Oideachas agus Oiliúna Luimnigh & an Chláir x 3 Ionadaí
- Seirbhís Óige Luimnigh
- Seirbhís Óige an Chláir
- Banóglaiigh na hÉireann (ball neamhvótála)
- Foróige (Bainisteoir Cheantar an Deiscirt) (ball neamhvótála)
- Gasóga na hÉireann
- TUSLA an Ghníomhaireacht um Leanaí agus an Teaghlach
- Comhairle Cathrach & Comhairle Contae Luimnigh
- Rannán Gharda Síochána an Chláir
- Comhairle na nÓg an Chláir x 2 bhall (vóta ag duine acu)
- Comhairle na nÓg Luimnigh x 2 bhall (vóta ag duine acu)
- Fóram Óige Chathair Iomlán Luimnigh



AGUISÍN 1

CLÁIR AGUS SEIRBHÍSÍ BHORD OIDEACHAIS AGUS OILIÚLA LUIMNIGH AGUS AN CHLÁIR:

BOOLC: SEIRBHÍSÍ CORPARÁIDEACHA

- Bord Oideachais agus Oiliúna Luimnigh agus an Chláir: Ceannoifig Luimneach (Seirbhísí Corparáideacha, TFC, Acmhainní Daonna, Airgeadas)

- Bord Oideachais agus Oiliúna Luimnigh agus an Chláir: Oifig an Chláir (Caipiteal agus Soláthar)

BOOLC: IAR-BHUNSCOILEANNA

1. Coláiste Pobail na hInse, Inis, Co. an Chláir
2. Gairmscoil Inis Díomáin, Inis Díomáin, Co. An Chláir
3. Coláiste Pobail Chill Michíl, Cill Michíl, Co. an Chláir
4. Coláiste Pobail Naomh Iósaf, Cill Chaoi, Co. an Chláir
5. Coláiste Pobail na Scairbhe, An Scairbh, Co. an Chláir
6. Coláiste Pobail Naomh Áine, Cill Dalua, Co. an Chláir
7. Coláiste Mhuire, Eas Géitine, Co. Luimnigh
8. Coláiste Dheasmhumhain, an Caisleán Nua, Co. Luimnigh
9. Coláiste Chiaráin, Cromadh, Co. Luimnigh
10. Coláiste Collchoile, Drom Collachair, Co. Luimnigh
11. Coláiste Pobail Naomh Neasa, Maoilis, Luimneach
12. Coláiste Breisoideachais Luimnigh, Luimneach
13. Coláiste na Trócaire, Ráth Caola, Co. Luimnigh
14. Coláiste Iósaef, Cill Mocheallóg, Co. Luimnigh
15. Coláiste Chaladh an Treoigh, Caladh an Treoigh, Co. Luimnigh
16. Coláiste Pobail Naomh Eoin Bosco, Cill an Dísirt, Co. an Chláir
17. Coláiste Íde agus Iosef, Mainistir na Féile, Co. Luimnigh
18. Gaelcholaiste Luimnigh, Meal Sior Anraí, Luimneach

Scoileanna Pobail ina bhfuil ionadaíocht ag Bord Oideachais agus Oiliúna Luimnigh agus an Chláir mar **Chomh-Phátrún agus mar Iontaobhaí** ar an mBord Bainistíochta:

1. Pobalscoil Eoin Baiste, Ospidéal, Co. Luimnigh
2. Pobalscoil Chill Rois, Cill Rois, Co. an Chláir
3. Pobalscoil Naomh Caimín, Sionainn, Co. an Chláir
4. Pobalscoil Naomh Éanna, Luimneach (ón 1ú Meán Fómhair 2016 mar Phátrún, Iontaobhaí agus Úinéir).

Scoileanna ina bhfuil ionadaíocht ag Bord Oideachais agus Oiliúna Luimnigh agus an Chláir ar an **mBord Bainistíochta**:

1. Scoil Chuimsitheach na Sionainne, Sionainn, Co. an Chláir. Is Comh-Iontaobhaí an BOOLC agus tá ainmní amháin acu ar an mBord Bainistíochta. Is ball den Bhord é Príomhfheidhmeannach an BOOLC agus Rúnaí ex officio an Bhoird Bhainistíochta é.
2. Scoil na Tríonóide Naofa, An Dún, Co. Luimnigh. Tá ainmní ag BOOLC ar an mBord Bainistíochta trí chuireadh ón Pátrún.

BOOLC: IONAD OIDEACHAIS ALLAMUIGH:

1. Ionad Oideachais Allamuigh na Boirne, Co. an Chláir



2. Ionad Oideachais Allamuigh Chill Fhionáin, Co. Luimnigh

BOOLC: OBAIR DON ÓIGE

1. Oifigeach Óige, Cathair Luimnigh
2. Oifigeach Óige, Co. an Chláir
3. Oifigeach Óige, Co. Luimnigh

BOOLC: MUSIC GENERATION:

1. Music Generation, Luimneach
2. Music Generation, An Clár

BOOLC: COMHOIBRIÚ LE HINSTITIÚIDÍ EILE

1. Aonad Oideachais Phríosún Luimnigh
2. Céim ar Chéim
3. Uaireanta Comhoibrithe trí Oifig Breisoideachais agus Oiliúna lena n-áirítear Scoil Cheoil Luimnigh, Catherine McAuley, Seirbhísí Sóisialta Luimnigh, Coiscéim, Ionad Luimnigh do dhaoine Dífhostaithe, Tionscadail Óige, Naomh Cainnigh (Cnoc Naomh Uinseann), An Mol Foghlama, Ionad Seirbhísí Sóisialta Cura, Seirbhís Óige Luimnigh, Maoin Cheoil agus Seirbhís an Chláir d'Imircigh

BOOLC: SOLÁTHAR IONAD OIDEACHAIS:

1. Ionad Oiliúna Luimnigh, Páirc Ghnó An Ráithín, Luimneach.
2. Ionad Oiliúna na Sionna, Eastát Tionsclaíoch na Sionainne, Sionainn, Co. an Chláir

Breisoideachas agus Oiliúint BOOLC: SOLÁTHAR LÁNAIMSEARTHA**SOLÁTHAR CÚRSAÍ IAR-ARDTEISTIMÉIREACHTA**

1. Coláiste Breisoideachais Luimnigh (Suíomh for-rochtana i gColáiste na Ceapaí Móire)
2. Coláiste Pobail na hInse
3. Gairmcoil Inis Díomáin
4. An Coláiste Orgánach, Drom Collachair
5. Coláiste Iósaef, Cill Mocheallóg
6. Coláiste Chiaráin, Cromadh
7. Pobalscoil Naomh Iósaf, Cill Chaoi

Scéim Deiseanna Oiliúna Gairmoideachais

1. Scéim Deiseanna Oiliúna Gairmoideachais - Cathair Luimnigh
2. Scéim Deiseanna Oiliúna Gairmoideachais - An Scairbh
3. Scéim Deiseanna Oiliúna Gairmoideachais - Cill Rois
4. Scéim Deiseanna Oiliúna Gairmoideachais - Inis
5. Scéim Deiseanna Oiliúna Gairmoideachais - An tIonad Glas
6. Scéim Deiseanna Oiliúna Gairmoideachais - Cill Mocheallóg
7. Scéim Deiseanna Oiliúna Gairmoideachais - Seanghualainn

BOOLC: SOLÁTHAR PÁIRTAIMSEARTHA:

LITEARTHACHT D'AOSAIGH (lena n-áirítear Béarla do Chainteoirí Teangacha Eile, Dianoideachas Bunúsach do Dhaoine Fásta (ITABE), SFW, DEIS)

1. Litearthacht - Cathair Luimnigh
2. Litearthacht - Co. an Chláir
3. Litearthacht - Co. Luimneach Thiar - An Caisleán Nua
4. Litearthacht - Co. Luimneach Thoir - Cill Mocheallóg

Tionscnamh um Fhilleadh ar an Oideachas (TFO)

1. TFO - Cathair Luimnigh
2. TFO - Co. an Chláir
3. TFO - Iarthar Co. Luimnigh - An Caisleán Nua
4. TFO - Oirthear Co. Luimnigh - Cill Mocheallóg

Oideachas Pobail

1. Oideachas Pobail - Cathair Luimnigh
2. Oideachas Pobail - Co. an Chláir
3. Oideachas Pobail - Iarthar Co. Luimnigh An Caisleán Nua
4. Oideachas Pobail Oirthear Co. Luimnigh - Cill Mocheallóg

Seirbhís Faisnéise agus Treorach um Oideachas d'Aosaigh

1. Seirbhís Faisnéise agus Treorach um Oideachas d'Aosaigh Chathair Luimnigh
2. Seirbhís Faisnéise agus Treorach um Oideachas d'Aosaigh Chontae Luimnigh
3. Seirbhís Faisnéise agus Treorach um Oideachas d'Aosaigh Chontae an Chláir



Ógtheagmháil

1. Ógtheagmháil - Lár Cathrach Luimnigh
2. Ógtheagmháil - Cathair Luimnigh Thuaidh
3. Ógtheagmháil - Cathair Luimnigh Theas
4. Ógtheagmháil - Sráid na Cathrach
5. Ógtheagmháil - Sionainn
6. Ógtheagmháil - Tuaim Gréine
7. Ógtheagmháil - Cill Rois
8. Ógtheagmháil - Inis
9. Ógtheagmháil - Ospidéal
10. Ógtheagmháil - Seanghualainn